

تغريد

أشعار بالعامية المصرية

إبراهيم سكرانه

إصدارات نوارس

فرع ثقافة بورسعيد

مدير عام الفرع

محمد نجيب مبروك

رئيس الخدمات الثقافية

أبو المعاطي سليمان

رئيس الثقافة العامة

محمد خضير

مدير التحرير التنفيذي

السيد السمرى

الإهداء

قلبك

وقلبي

والغنا

تغريد

ابراهيم





عصافير غاير .. بئبئدى تنطلق

بياض

(قصيدة مكتوبة ع الأبيض الفاتح)

صفحه بيبضا

فى بدايتها

حته بيبضا

بعدها

كام سطر أبيض

بعدهم

كام سطر تانى

فى البياض اللاتهاى

وفى نهاية الصفحة أيبضا

حته بيبضا

النضافه من الإيمان

هى دى فعلاً قصيدتى

صفحه بيبضا

فى بدايتها حته بيبضا

والسطور فاضيه وبيبضا

والنهاية حته بيضا

حتى عنوان القصيدة

فيه بياض

يعنى فاضى

اكتب الى تحب تقراه ع الورق

واملا البياض

...

سكوت

مہزوم یا فارس

والحصان

أصبح خشب

والسيف ...

خشب

ياللعجب

طب جای تحارب مين

فى تلك المعمره

وانت اللى كانت خطوتك

تفتح حصون

اصبحت بجبال السكوت

اللى فى لسانك إمره

سلمت روحك

عز ما انت بتتولد

للموت

من يوم ما أدمنت السكوت

كل النجوم

ملكى

نص القمر

لياً

والباقي منه

ليكى إنتى

املكيه

اتهنى بيه

إياكى فاكهه

إن القمر بنور

اكمنه يعنى فى المسا

بيشع نور

لا

ده القمر حواديت قديمة

كلها أحجار

صخور

عطشان كده

ما اقدرش أقولك
إنتى أحلى من القمر
أصلك بشر
ما تنيش لا صخر
ولا حجر

• • •

كنتي

كانت عيونك
آخر المشوار
ومشيت لآخر سكتك
فموصلتش
مديت خطاوى نظرتى ...
لفراغ
سد الغنا كل الطرق ...
حواديت
فحكيت حكايتى للسما العثمانه
عز الشمس ما بتتولد
أنا كنت قبل الفجر
عز الضهر
وقت المسا
كان ليا شأن
وكنيت إنسان البراح والنور
أنا كنت طير مطلق
على أبراج الحمام

لا ف يوم سكت عن الهديل
ولا كنت الجناحات عن الرفرفه
كنت البراح
كنت الدفا
كنت الـ
يااااه يا البراح
حاسس بخنقه روحى من ضيقتك
يا ريتنى أقدر ع الغنا

• • •

الغنا للنور

مهداه إلى الشاعر الرقيق رفيق الرحلة

محمد حجازي

ولد شاعر
كما لون القفا فيا
على حصان الكلام راجع
يقنى للضيا الدافى
بعزم ما فيه
تفجر غنوته حواديث
وينده للسماء تحبل بغيره
ووردة حب فواحه
أرق من الندى الطيب
ولد شاعر .. ولد طيب
راحت حبيبته السوق
تجيب ندهة حياه
ورجعت بالوعود الزائفه
باعث عروى قلبه الحلال
لكنه كمل رحلته فى ضل الصدى

ورد قال

(ما تقلبش ورق الدفاتر)

وفتح كتابه لوعده تشرب سلسبيل القول غنا

من بعد ما اتمنى يسبيوه للديب فى سر الناب

ورجع ولملم جلد وشه من تحت أقدام البشر

ويجمع الصحبه القديمه ع الغنا للنور .

ويقولنا

آن الخول فى جنتى

آن الخول فى جنتى

آن الخول .

طعم القمر

البنت ورداية ندى
نامت بتحلم باللقا
مدت كفوفها مرايه من فضه
الحلم ما كملش
فتحت عينها ع الوداع
طعم القمر سكر
طعم الرحيل أحزان
وعشان تكمل حلمها
وقفت تنادى ع القمر
يمكن.....تتام

أنا وضلي

في الضل بارسم صورتى جنب الرصيف
وارسم رغيف
من لون شقا عمرى
وتمرى يا أيام
والضل يكبر فوق رصيف صورتى
ومن حيرتى
أعطى رغيفى واتكوم
ويفضلى
أوان الملح نتقاسم
رغيف الضل انا وانتى
ونتوحد
فى صورته فوق رصيف
تاتى ...،

خلاص

الشهيق ...

والزفير...

رحلتين

والروح مع طلوع النفس

شہقہ حیاہ مبتورہ الأجنحہ

زفرة قرف من كون ردىء

باشعر بضيق

لما المنام يرحل والاقى نفسى تانى لسه حى

تهزمني ریح الانشطار

بين الرحيل والانتظار

فانتظر

وانفجر موجة تمرد للخلاص

تکفینی ریح متریفه

فوق شط آخرس

فانتھی

واصرخ

خلااااص!!!!

بنتولد دمعات

يا بن الحياه والموت
هو انت مش زينا
دمك .. شبه دمنا
طب ليه بتكرنا
وانت اللى على خيرنا
رعرع غناك بينا
انت اللى من طينا
لو كنت تستنى
كنت أوهيك شوقى
وألّف قلبك بالغنا
وأعلمه الزقزقه
أحلامنا متفرقه
بيننا وبين الريح
وقلوبنا شجرة توت
لا بتحيا ولا بتموت
ولا فيه أمل فى اللقا
ايه اللى فاضل بقى
واحنا الغنا والخوف

لون حزننا مألوف
لون فرحنا مختلف
أوقات كثير نتلف
وكثير كثير بنتوه
وف نن عين الشمس
بنتولد دمعات
وحاجات بتمحي حاجات
ولكل ده أسباب
بس احنا مين قوللى
قبل اما تتكرنى
آخر حدود ضلى
دمك على دمي
انا كنت متسمى
بالحزن فى كتابك
افتح لى أبوابك
وخذنى بين السطور
يمكن يكون لى ميلاد
ونعاود الألفه
انا وانت والأحزان
يابن الغنا والبوح

اركب سفينة نوح
والفرد قلوع قلبك
ولو الطوفان قابلك
دوس على اللي كان قبلك
واتسى اللي بينا وفوت
ارفض تدوى الموت
لكن ما تتكرنيش
وانت ف أمان ع الشط
يمكن أكون لك طوى
لو زاد عليك الطوفان
وغرقت فى دموعك

بينى وبينك

خبى

دقة ببيان القلب راحة والرحيل

قنديل عتامه بيسرق الروح البتول

والغنا قلبى الرهيف ..

فرحة الفراشات وأحلام النهار

والناس بتشرب دم عمر القلب قهوه محوجه

من بعد عضمى اللى انطحن فى الكوبيات حواديت

يا غنوتين من قلب قلب الليل لقلبى اللى انطفى ...

سرك مباح

خبى

نظرة عيونك .. دمك الاسفلت بينز الطريق ..

خطوه

تدوس الحلم فى واموت

ما تخلنيش أركب على ظهر السكات

وادخل بلاد الانتظار

ليكى السنين ... ليا القلق

والحلم بيشفشق على كفك ...

بنات الحور

الدوامات تبلع غنايا
أتولد فى المد مدارى الرتوش
مصلوب ما بين النظرة والندبه
واسمنت السما المدلوق على وشوش الكلام
كل الغنا مغلوط
واصواتك ...

نـشـاز

خبى ..
القلب ليكى واحه
تفاحة خطيئة ملونه بدمى ...
ومنزوعة الوريد
والشهد عمرى مستباح ...
لميه
وارمى فى غنايا بذرة المرواح ...
وسمىنى الرجوع
مجبر أموت ..
والليل خطاويه
وأبواب النهار .. ترابيس
بينى وبينك ... باكره الغربه

غنا مكتوم

لو ضاق عليك البراح
فضفض مع روحك
واطلق خيول الحزن دمه تفوقك
الروح فراشه فوق غناك
اهجر بكاك
وبلاش تغنى بصوت نشاز
أحسن تطير منك فراشة عمرك الفزعاته
تهجر جنتك
من وجنتك
هاتشم ريحة الابتسام ..
أو نبل حزنك
وتنز أقراص العسل تسقيك
تشفيك من الحزن اللي طارح فوق سنينك شوك
فضفض ...
تفوق
تطلع ...
لفوق
اتعلم الفرحة الحلال ببلاش
يا تموت ..
وقلبك فيه غنا مكتوم

كلام

لسه الناس فى قلوبهم حاجه
موش محتاجه لوصف
حاجه تفوق الوصف
حاجه غريبه .. سماجه وطيبه ..
بجاجة ولطف
وناس موش ناس بتدور وتلف ...
برقه وعنف

وحاجه تجيب اللطف
لسه الناس فى قلوبهم شىء .. مخاليف بتدقيق
من كلمة حق
وقوله لا .. تلاقى قلوب بتبل الرقيق
وقلوب بتقولها بهمس رقيق أو من غير حس
تحس الكون لا برقيق ولا لون وكأنه جنون
وكلام معجون من طبع برىء

عطش

ريقتك ناشف ؟!

اشرب لما لحد العطش الغارز سنه فى لحمه جوفك بنفص

ع الكون الأحزان

اللى ف حضنك مكبوتة .. وموت

اعطش موت

اشرب موت

بس اياك تفرق فى سكوت

صمتك موتك

جاهر بالعطش اللى ماليك

اطلب حقك ...

كل ماليك

من أيام عهد الممالك

والقلعه بتشلب أحزان

والإنسان ..

لسه بيعطش للأغنيه

للكلمه اللى بجد أبيه

للحريه

واحنا فى زمن العطش الناشت طرف الكلمه من البوح اللى

يهز الروح تنطق مخنوقه

تحس بديق

ولا ميت أبريق حريه يكفوا كفوفى الناشفه تندى وترجع

تاتى تثبت قول

الصوت ... مقتول

وكلامك طالع من جواك مهزوز مهزوم

وكأنك خايف

ريقك ناشف ...

طب ما احنا فى عصر الحريات ...

إشرب

* * *

غنيوه مطفيه

مرى ..

يا شايله سرى بين بواح القول وصمت الفضفضه

أنا كنت راسم ع القمر وشى

ومسلم الأحلام لآخر نجم شارد فى السما .. إنما

البحر خباكى ...

وشباكى ...

مرسوم عليه العنكبوت .. واشمك ..

ورافض للوجود

مرى ..

أنا كنت ويا الريح ومد البحر وعيون السواحل

بارسم قواقع قلبى ..

أصداف الأماني الممكنه

من قبل ريح الشمال

ما يشيل جناح الطير

كان المطر دمي على وش السما .. سحبات ..

واحلامك .. شفق

ما فضلش غير زغب الفراق على عشك دفا

مرى ..

طعمك غناوى الصمت وقت المستحيل

دمع الرحيل .. غشاش

والرحلة مش بنت الطريق

واحنا وشوش البرتقان
ومواسم الحزن الرقيق
الريح برى ..
والموج مزجنى بملح شوقك لحظة الجذر الحلال
المد مجهول الملامح ردى ...
غنيوه مطفيه

مرى ..
خببت عيونك جوه سرى اللى ابتدى ..
ينهار
ونسجت وقتى أسئلته
والريح .. غنا ..
والأمكنه ..
حواديت !!
واتا


* * *

ردى الغنا فيا

وان يسألوا على تجاوبهم
وتردى دمي يتخلط بالنيل
وترشى فوق خوص النخيل حلمي
وتعدى بيا البحر وتلمى
رطب الكلام حواذيت
قلبك على قلبي
قلبي كما الصلصاف
طيب يخاف الريح
ردى الغنا فيا
تتردلى روى
مصلوب على قولى
طعم الندى مرر
شهقت ورود دمي
فارت عروقى حنين
وعنيكى أرض براح
رشرشت روى بالغنا الصافى
وبدأت أفسر كلمة الكوايبس
وارد للنيل الرقيق دمي

همسة

الضمي من حب الدمع النازل من نني عيونك
في خيوط الدم النازف مني
عقدك أو تاجك
خليني رتاجك
على بابك لو مفتوح ع الخوف
خليني أرتادك
مع نسمة خوف بتدور
ع السور
وتهز الطفله ف دمي
وخديني وسمي
وسبيني ف آخر زهرة
بتدبل !!



قلبك وقلبي .. والغنا .. تغريد

صباح الخير

صباح الخير على بنتى
وأجمل ورده فى جنينتى
يا أول فرحة حسيته
صباح الخير يا غنيوتى
صباح الخير على بنتى

صباح الخير على روحى
وبلسم حزنى وجروحي
عيونى فـين ما بتروحي
تروح ويـاكى يا حبيبتى
صباح الخير على بنتى

صباح لساها بيتفتح
على وردايه بتصبح
على خـدك وبتوضح
جمالـك اللى زاد حيرتى
صباح الخير على بنتى

تغريد

تغريد بتخبى الشمس فى ايدها النونو

وبتضحك ضحكة جميلة تلم نجوم السما حواليتها

وقمر بيلوح فى العالى ببوح بالضى الجى

من الأحلام ..

اللى فى قلبها ..

قلبيها عصفور بنور من نور

وجمالها كأنه بنات الحور

قلبي المبهور مسحور من رقة بنت الإيه

وهاقولها إيه

وانا كل سنينى عشاتها تهون

والعمر الباقي تلاقى عليه مكتوب

تغريد قبل المواعيد بتهل بعيد

وتاخذنى بعيد لزمان النور

اللى بيهدنى لبكره الجاى

واشوف ازاي

من عز الضلمه تجيب لى نهار

وتخبى الشمس فى ايدها النونو

وتضحك ضحكه جميله تلم نجوم السما حواليتها

* * *

حلقاتها

حلقاتها أناتها برجالتها
دلوعة بابا روح مامتها
الليله الليله أحلى ليله
تغريد النونو نورتها

كنتى فى احلامنا توتنه توتنه
بنوته فى أجمل حدوته
وفراشة حلم زغنطوطه
ضحكت للدنيا فرحتها

وبقيتى حقيقه م النهارده
متصاحبه على الندى والورده
وجناين حب على موده
فى قلوبنا الصافيه خضرتها

كتاكيت العيله حادى بادی
جاين عشاتك الیلادی
والدنیا اخلوت الساعادی
بالضحكه الحلوه زوقتها

قلبك وقلبي

قلبك وقلبي والغنا تغريد
شمسك وقمرى فى السما مواعيد
الإيد تقرب تلنقى بالإيد
يعطى غنايا ورعشة التتهيد
قلبك وقلبي والغنا تغريد

قلبك وقلبي والسما أبواب
فاتحه البراح بيجمع الأحباب
وتلننا من فرقة الأغراب
على فجر نادى وصبح جى سعيد
قلبك وقلبي والغنا تغريد

قلبك وقلبي يملكون المسافات
ولا يحسبوش العمر والدقات
وان مر يوم بالحزن أو مسافات
بكره اللي جاى فى عيونه أجمل عيد
قلبك وقلبي والقنا تغريد

سكر خالص


طعم السكر سكر خالص
طعمك سكر خالص
يا ام الضحكه بنات الحور
والقلب المليان بالنور
قلبك جنه وقلبي أهو غنى
للوش الهادى البنور

عصافير الدنيا فى ضحكائك
والصبح مفتوح وردائك
والفجر النادى على مرابتك
بيرفرف زى العصفور

لَمَّا تَنَامَى الْكَوْنُ بَيْنَامٍ
قَلْبِي بِيَغْرُقُ فِي الْأَحْلَامِ
وَاصْحَى أَلْقَى فِي قَلْبِي كَلَامٍ
عَنْ حَبِّكَ أَلْقَاهُ مَبْهُورٌ

وَأَمَّا بِنَصْحِي مَعَ الْفَرَاشَاتِ
تَهْنَأُ كُلُّ الْأَوْقَاتِ
وَالْقَى فِي قَلْبِي حَاجَاتٍ وَحَاجَاتٍ
وَكَأَنِّي بِحَبِّكَ مَسْحُورٌ

تَغْرِيدُ يَا أُمَ الضَّحْكَ بِرَاحٍ
وَنَهَارٌ مَا يَبْعَثُ مَرْوَحٍ
وَرَبِيعٌ نَوَّرَ بِالْأَفْرَاحِ
وَجَنَائِنُ مَلِيَّتَهُ زَهْرُورٌ



دخول طقس الميلاد نبوءة الانتظار

دخول

أدلفُ

من باب الجنة الخلفي
أوزعُ أحلامي على البسطاء
أطاول السماء
وأهزمُ الضجرَ
أعاودُ الرحيلَ للأشياء
هل نتتلفُ !!؟

فضيت كفوفى من الغنا

وصبغتهم بالدم

رسمتهم

على حيلة البيت القديمة .. حلال

ورسمتى

عصفور يهرب م القفص

مبهور بطعم النور

وملح الانطلاق

لو كان لى قلب كقلب الطير

لعرفت الهوى

لو كان لى حلم وحيد

ما رحلت

لو كان لى

لو كان

لو ...

يا غربة الأحلام فى قلبك يا يسوع

فضفضت للكون البراح بالخوف

لما انكفيت فوق الورق

مرعوب

اخترت من بين الحروف اسمى

لكنى ما اخترتش أكون انسان

سن القلم مغروز فى عضم الحنجره

والبوح مرار ...

من مر دمي يا المداد

هى بهجة الأعياد
تحملنا إلى وجه السماء
ونعانق الأقمار
والشمس النبيه
الليل يقطر أنجماً
صماء !!

ونهب فى هلال السما المخنوق
ينفك عقم البنات
بعد ما تحلب القمره
قش الغنا
خايف يصهرج م الكلام
الكون عدم
رشرش بإيدك مية التوحيد
على ضهر الجمل ... يبرك

والبحر يستل المدى
سيفاً ورمحاً من زبد
سهماً من الموج الرحيل
مدأ
وجذراً
وانتهاء
كل الشطوط مسكونه بجروحي
كل الرمال
شربانه من روى الكلام
وانا كنت بانقش وشى فوق الصخر
يتقجر جليد
واكسر الأصنام
واموت ساجد
وارمح فى روى
لآخر المرواح

باحزن على الوردية لو تبكى
بابكى على الفراشات فى وسط النار

جمر تاجج فى الوريد

فسامنى

وهنا إلى وهن كنين

فتشت فى أرجاء حزنى

لم أجد غير الذبول

وأنا

شفق

يا روح على باب السما المقفول

بتحلم بالخلاص

الليل بيتمرجح على الشبايبك

أشباح من الحلم المخيف

بادور مع الأفلاك

فى ألف مدار

يمكن

يكون لى ميلاد

طقس

أبوح يا أبوح
قلب السما مفتوح
ردوا الجسد للروح
تتحقق الأحلام

يا سماء
غادرتها الأنجم الأحلام
للوطن الذي نزل الرحيل
على شرايين البراءة
فاستكان الحلم فضفاضاً سخياً
واستقام الليل عملاقاً
على وجه النشيد الدم
أشجاراً سوامق

يا طالع الشجرة
اقطف لنا قمره
من لون غنا بكره

وفرحة الأيام

هل تأذنوا للصبح أن ينبج
هل تسمحوا للحلم ألا ينتهى للموت
إنى رهنـتُ العمرَ والأيامَ فى صـكِ عقيم
عند المـرابين اليهود
ووأنتُ حلمى
حتى ينتهى عارى
ويكتملُ القصيد

يا بو على ...
يا صياد
املاكى كفوفى ...
ميه وزاد
القلب غيطان ...
مليانه حصاد
م العام للعام

أتهوى

من هاوية البوح الصماء
إلى صمتٍ جبرى
ألوذُ بظلى
الشمسُ تكشفُ عورتى
فأبوحُ للأشجار حتى تتكفىء
لا تقتلوا حلمى
لعلنى أكتمل

التعلب ...
فات فات
واتخفت ...
فينا الحكايات
وغنانا ...
معجون بسكات
وما عادش كلام

ما بين قلبى وقلبى
ألم يخالجنى
حلم يداخلى

أمل أود الاحتراق به
من يحمل الأوزار عني
إتني طفلُ عجوز
شابت على وجه السنين
ملاحى
وتبدلت كل الفصول
فماتت زهرتى
فى مستهل ربيعها

ميلاد

ايزيس يا أمى يا طيبة ارقينى

ضمى عضامى لبعضها

احيينى

قومى اولدينى من جديد

حوريس نبى

مولود يهز الكون يجيب مليون نهار

ايزيس يا ام الصبر

يا ام الانتظار

ولى زمن الانكسار

ورجعتك

أنا دم اوزوريس اللى مات مذهبول

وضلع ايزيس النبيه الطيبه

قومى اجمعينى من شتات الكون

هاكون ... غنى

فى الليل نبدأ فى الغناء

وحيثما

تغفو الرياح ثيابنا
وتضيق أغنية الوطن
نتسربل الأحزان ثوباً
ومن المدى نبني وطن

كل القلوب توابيت في عتمة الانتظار المستحيل
من دم ست غزلت تاجي ومن عضامه صولجان
يا مين يفك الليل ويطرح لحظة الصبح الحلال
لو كان باقى لى لسان...
بس الحقايق زيف
والعمر .. مش مضمون يتم

تكاثروا .. ودثرونى بالهموم .. وبالغيوم
يا إخوتى .. من ينتزع عنى الرداء فإتنى
فى الموت أسقط مرغماً
وأعيش فى ليل طويل
بين البقاء والرحيل

بين الرحيل والبقاء

وانتهى ...

وانتهى إلى فناء

هل تنتهى .. إلى .. فناء

...

نبوءة

قالت ..

فتحت الباب

فادخل لا تخف

إنا سنمنحك النبوءة يابن هذا الطين

فخذ كتابك وارتحل

فى بطن الحوت

كأنك يونس المكلوم

نبوءة يوسف الصديق

تموت مصلوب على حزنك

فهل ... ها يكون

ليل بلونك يشتهيك

هذا مداد السنبلات

فاكتب على وجه السماء

ألا قمر .. ألا نهار

فى صلبك نطفه مؤوده
وأرحام المداين بور
حنينك للمخاض مرواح
حنينك للوطن مسافات
وسلسالك ماهوش موصول

فإذا انتهيت
فقل لفرعون انتبه
إنا هنا كى نصطفيك بقولنا

صهيلك كان مالوش تأويل
بطول الليل .. براح عمرك
ومكتوب ع الورق .. إفراج

فامد يدك عساك تلمس نجمتى
سبع عجاف يلتهم رسالتى
سبع سمان يتقين الحر فى القصر الكبير

سفينة نوح

بتستاك لآخر ضوء

هانتشعبط ؟

يا تشرب مية التتور

يا تبلع م السحاب دمه

بلاش تخاريف

فإذا دخلت الباب

فاسجد واقترب


• • •

انتظار

حين انتزعك من دمانى
رفرفت أطباق حلم غير مألوف على قلبى فذاب
ثم أدمنت العذاب
أى حلم كان حلمى !!؟
أى حزن كان حزنى !!؟
كم يؤرقنى اغترابى
بين قلبى والسماء
آه ما أقسى البكاء
يا حبيباً كان لى
فارقتنى اليوم أحلام الصبا
نازعتنى فيك أحزان الطفولة والشباب

باللى فيك الخوف مراحل
قلبك المره دى راحل
للسواحل
اللى ما بتعرفشى تكذب
فك حلمك

خلى ملح الميه يصفى
اغتسل من وهم خوفك
وانتفض وارجع وعيش
العصافير اللى كانت ليها ريش
لسه واقفه فى الخلا تستنى أفواج الربيع
يمكن تطير



مسحراتى الوطن

(تفتح الستار على استعراض غنائى حزين لأغنية
ياصرختى رجبى السكات وفى نهاية الأغنية يبدأ دخول
الممثلين الى المسرح على جملة : يا مسحراتى الوطن
ينادون على المسحراتى من جنبات المسرح الى أن يتجمعوا
حوله فى منتصف المسرح فى تشكيل جماعى) .

(يمكن استخدام بعض المشاهد الوثائقية السينمائية فى الخلفية
للمذابح التى أقامها اليهود فى فلسطين للشعب الفلسطينى
وهى كثيرة)

المجموعة : يا مسحراتى الوطن

دققى على طلبتك

وصحصح النايمين

وانده وقول يا مين

يفوق الأوطان

المسحراتى : (يغنى بأداء المسحراتى)

اصحى يا نايم اصحى يا نايم اصحى وحد

الدايم وقول نويت بكره ان صحيت لأسحر

الأوطان ...

ليا زمان دايرألف على القتم

كان العشم اتى اصحى الناس

يا ميت خسارة على اللى نام فى العسل

شرب المرار والذل نار

لكنه امن الانتظار

ويا ميت خسارة على اللي نام فى العسل

اصحى يا نايم واجتهد فى العمل

اصحى يا نايم وحد الرزاق

رمضان حزين

(ينسحب المسحراتى فى نهاية غناه الى أحد أركان المسرح
منفرداً ويخرج أحد أفراد المجموعة بادة فى الالتقاء)

١- : ورجعت يا رمضان بعد الغياب بالحزن

فارد كفوفك تنده الأقصى اليتيم

تحبل عيون الوطن بدمعة استشهاد

ويغنى قلب الحجر فى ايدين ولاد النور

غنيوة الرفض المبين للقهـر

٢- رغم انكسار الضهر

رغم انتحار الحلم فى عيون الصغار

فاضل شعاع بيهل من آخر الطريق

يهدى الخطا

وفيك طير البوح

يرد فينا الروح

ونغنى للإنسان

الجميع :

نغنى للأوطان

يا مسحراتى الوطن

غنى غنا نبلى

يا عينى ياللى

باطلق مواويلى

م الكعبة للقدس الشريف دعوات

جمرات على ابليس

وأفوق من الكواكب

أشم ريحة الوطن

على صفحة الكراس

أزرع عيونى على الحدود حراس

تلمح دموع الأقصى ... مخنوقه

الأقصى بيبكى على كتاف الكعبة وبين

مستى كفوف العذرا تطبطب فوقه يطيب

وكنيسة المهد دموعها على الأبواب بتحن

لبراق الهادى يشق الغيم .. ويقيم الحق ميزان

القبلة الأولى بتستى صكوك الغفران

بتقول الطهر انداس
وآدان الضهر اتحاش
مخنوق ورميت سداسيه
ويسوع مصلوب
ويهوذا بيضحك باستهزاء
والناس

الجميع :

الناس مش هي الناس
-٦- بيلموا الشوك اكليل لمسيح العصر الجاي
والعالم كله كان
منحوته وشوش الناس من صخر وطنين
وقلوبهم من صوان
وعنيهم مطقيين
مش بنى آدمين

المسحراتى : وانا واحد من بين الملايين
ما ملكتش غير الكلمة بقى لى سنين
بادن فى خرايب مالطه
القدس حزين
الجميع : القدس حزين

المسحراتى : هايفضل حزين
الجميع : القدس حزين
المسحراتى : ولحد ما يرجع تانى صلاح الدين
الجميع : القدس حزين
المسحراتى : وهايرجع امتى صلاح الدين
الجميع : يا طير مسافر فى المدى
يا هل ترى
لسه الوطن ساكت
كل الحروف شابت
واتلجم المعنى
يا مين يسمعنا
الفتحه ع الأموات
فى فترينات الصمت
المسحراتى : (يغنى) بادن فى مالطه يا مين
يسمع أدائى الحزبــــــــــــن
المسحراتى : وف ايدى طبله بتبكى على الوطن وتقول
اصحى يا نائم تحت سابع أرض
اتوضى من نيلى وصلّى الفرض
الأرض عرض اياك تهملها

والقدس عرضك انت ليه غفلان

اصحى يا نايم وحد الديان

رمضان حزين

-١-

قسم وقول يا عم سمعنا

غير غناك خليه يفرحنا

من واحنا لسه صغار

بنتهجي الوطن عزه

حيفا ويافا والخليل ... غزه

شجر الزيتون والبرتقان

وريحة الأجداد

والصحبة تحت القمر

لما يهل النهار

من غير قلق أو خوف

سهرانه فرحانه

بتغنى ويانا

وتعلى فى غناها

نغنى وياها

يا أرض أبويا واخويا

وجد جدى وأنا

-٦٥-

عاشق ترابك من أوان المهد

لسنين الغنا

فرح وعنا ومواويل

يا ليل يا عين يا ليل

زمان وكنا زمان

: لينا وطن وحدود

وحياه كريمه طيبه

ولى الزمان يا زمان

واتفرقوا الصحبه

والغول على لحن الوطن قسم

ترنيمه الموت الحزين

المسحراتى : متفرقين الصحاب فوق السكك تفاريق

والخطوه تايهه مننا على ألف ألف طريق

لا شيء يسر القلب ولا شيء يبيل الريق

قسم حزين ع الوتر .. خلى اللى نام يصحى

يلضم دموعه للوطن سبحه

يغسل غمام القلب يصبح دهب

ويغنى طير الصبح ع الأغصان

اصحى يا ناييم انت ليه غفلان

يا مسحراتى الوطن هو انت ليه حزنان
وانا بافتح الجرنان لمحت وشك فيه
منقوش عليه حزن السنين علامات
وتحتة بالبنت العريض سلم لى ع الأوطان

يا صاحبي يا انسان

اتحمل الغربة

لو حتى بين أهلك

واهلك عشان الوطن

دا العشق مش ساهل

وانت اللي علمتنا

حب التراب الأبي

بنحلفك بالنبي

تفك تكشيرتك

وتصحصح النايمين

: تلمهم ع السحور

وتصلى بيهم فجر يوم مشهود

فى القدس مسرى الحبيب

وقت اما يرجع تانى للأوطان

الجميع :

امتى هايزجع تانى للأحضان
المسحراتى : فتحت باب السما يا ما كتر الابواب

القدس بيسلم على الأحباب

مشتاق يا مسرى الحبيب

لركعتين الفجر

مشتاق لأرض الوطن

أرض الندى والطهر

الضهر بدن يجمع الأوطان

اصحى يا نايم عيد ليالى زمان

رمضان حزين

يا مسحراتى الوطن دقدق على طبلتك -٣-

ورجع الأمجاد

أنا زى كل الولاد

اللى انت سحرتهم

صحصحتهم ع الحقايق

أنا زى كل الخلايق

باعشق غناك فى الليل

لما يطيب طبلك

وأفضل أطب طباك
على قلب قمرايه
سهرانه تستناك
واسرح بروحي معاك
نسحر الأوطان
يرجع لنا رمضان
بس السنا دي حزين
: فين بهجة الأعياد
ليه خدتها وياك
الشمس لسه بتتدهك
والطير ..
وموج البحر .. والعصافير
وتراب وزرع الوطن
مستنيين لحظة رجوع القدس للأحضان
الجميع :
بكره هايرجع تاني للأوطان

المسحراتى : ياللى نويت ع السفر

خدنى معاك لهنالك

الأقصى بينادي علينا
من وراء الأسلاك
وأنا نفسي البى النداء
وابوس على اعتابه
واكل العين من تراه النبيل
وأفرح القلب اللي بات حزنان
اصحى يا نايم رجع اللي كان
رمضان حزين

يا مسحراتى الوطن -٤-

صحصح وسمعنا
خلى النهار يبتسم
والليل يودعنا
واحكى على اللي فات
احكى وسمعنا
وان تهنا .. رجعنا
ياما صعب المشوار
ياما طول السكه
متشوقين من زمان
لريحة الضحكة

: واحنا اللي كنا فى السما
عصافير بألف جناح
العمر ولى وراح
فى عز ما احنا شباب
الحلم فينا شاب
واتفرقوا الأحباب
بيندهوا فى السكة ع اللي غفل
ونام سنين فى العسل
هزوا الكسل
يرجع نهاركم طيب الطلعه
من سد أسوان العتيق
ولغاية القلعة
ولحد آخر حدود
توصل لها حدودكم
بس افردوا ايديكم
وشدوا شمس الصبح
من قلب السما العتمة
تشق الغيم
يطلع نهار القدس فى ربوع الوطن

المسحراتى :

رمضان يا شهر الصيام

يا أجمل شهور السنه

نفسى نهار القدس

يرجع للوطن فرحان

يصحصح النايمين فى بحر العسل

ويمسح النعمه اللى فوق خد الوطن

ويصوم معانا الشهر يا رمضان

اصحى يا نايم انت ليه كسلان

رمضان حزين

يا مسحراتى الوطن

تسمح لى من فضلك

أجهر بصوتى الحزين

واقول واقتضضك

فيه كام شهيد النهارده

فى نشرة الأخبار

ويا هلترى لسه النهار

فى القدس اسمه نهار

والعندليب بيغنى ويقول

اننا ثوار

-٥-

ولآخر مدى ثوار
سلم لى ع الأحرار
فى كل شبر من أرض الوطن
صاحبين على نايمين
مستظرين لحظة خلاص .. وخلص
من غير ما تتحرك سواعدهم
يا رب ساعدهم
واجعل كلامنا خفيف
على كل من يسمعه
وان حن قلبك للجهاد
مزعه

المسحراتى : حزين يا شهر الصيام ..

ياما كثر الأحزان
تتمد ايد الغول
وتعذب الإنسان
ايه اللى فاضل لنا..
غير الدعا فى رمضان
يفك أسر الوطن..
وينصر الإسلام

اصحى يا نايم لبي صوت الأذان

رمضان حزين

يا مسحراتي الوطن

-٦-

: قلبي حزين زيك

شايل حمول الجبال

شايل ومتحمل

وباغنى للكوطن

أكثر من الأول

باغنى واطول

النصر خطوه وبمدها نكمل

نوصل لآخر سكة الأفراح

ينزاح جمود الليل

من فوق جبين الفجر

نرجع لأرض الطهر

مسرى النبی العربی

وأول القبلتين

قلبي الحزين يفرح

بركعتين فى القدس

وابوس ترابها النبيل

اللى شرب دم الشهيد وارتوى

وابعت سلام م النيل

لقبة الصخره

وسلام لورد الوطن

محمد الدره

رمز البراءة

فى عز محنتنا

المسحراتى : يا ن عین البراءة قوللى مين قطفك

مين اللى من وسطنا بالغدر جه خطفك

وسرق براءة ضحككتك منك

وصمنا عن فرحتنا فى رمضان

اصحى يا نايم وانصر الأوطان

رمضان حزين

يا مسحراتى الوطن

-١-

لسه الوتر قوال

لو ينطق الموال

هايقول كثير م الغنا

يا دهشة الدم اللى سال مهدور

مبدور على ظروف السكك .. تفاريق

الريق .. وجف من الكلام
مليون سلام للوطن
لو يتحد ويقوم
يكتب تاريخه من جديد ع الشمس
يفسل ضمير الكون بلحظة غضب
ويقول فى وش الغول
أنا لا أهانن .. لا أقاوض .. لا أسالم
أنا لا أفرط فى نماء الراحلين الى
سماء الخلد من غير اصطبار
فأنا النهار القادم الرقراق
من خلف اسوار الشجون
وأقولها ملء المسامع
لؤ شالوم مستر شارون
لؤ شالوم مستر شارون
المسحراتى : صوت الأذان طالع
حزين على المدنه
بينعى أيام زمان
ويترحم على اجدادنا
دم النهار سائل على وش السما

والشمس مخنوقه وخايفه تبان

فرح يا نايم فجرك الحزنان

رمضان حزين

يا مسحراتى الوطن

-٢-

على الغنا على

واحكى لى ع اللى جرى

واحكى كمان عالى

فى عز عز المحن

باعنى وكان خلى

ايه اللى فاضل لى

من عزة الأوطان

غير دمعين وجراح

بابكى على اللى راح

بس البكا مرر

وما عادشى طعمه يفيد

الحلم كان فى الإيد

فرطنا فيه كلنا

وفرطنا عقد الوطن

وف عز عز المحن

بعنا الوطن في مزاد

الجميع :

ألا أونا ألا دوه

: ألا أونا ألا دوه

الجرح من جوه

نازف ولادك سيل

الجميع :

ألا أونا ألا دوه

: دوه ألا تريا

ع السكه مرميه

من الفرات للنيل

الجميع :

ألا أونا ألا دوه

: ألا أونا وغرقنا

وخلفنا فرقنا

الجميع :

ألا أونا ألا دوه

: ألا دوه أحلامنا

مشنوقه قدامنا

الجميع :

ألا أونا ألا دوه

فاضل ألا تر يا

باع الوطن فيا

وغرقت في سكوتى

وبعت لك صوتى

صرخة ترج الفضا

وتصحصح النايمين

الجميع :


يا صرخه ما ترجى السكات


صحى اللى نايمين فى الموات

زلزلى ... جلجلى

خافين يكون العدل مات

(تنزل أغنية يا صرختى رجبى السكات بينما يتداخل أداء
الممثلون لكلمات الأغنية مع الغناء ويتحرك الجميع الى
خارج المسرح ويسدل الستار)





طعم القفا .. لساہ فی دمی حیاہ
(أغنیات)

ولا ليكي زي

لا أنا زيڪ انتى ولا انتى ليكى زي
لكن باشوفك جوه روحى ضى
مهما تغيب الشمس عن عمرى
ويغيب غايبا بين دموع مرى
هاتعدى يا أحزان وهاتمرى
وهواكى بفضل بين جواتحى حى
باتده ليكره الجى من خوفى
شمس النهار خبيتها فى كفوفى
علشان تنور ليكى وتشوفى
قلبى اليراح ليكى فى بكره الجى
يا ساكنه جوايا وجواكى
خوف السنين من بكره خلاكى

خبيتي قلبي وهو خباكي
جوه الضلوع وفي عمة النني

* * *

مش هاجبك

لا مش هاجبك قد ما انت تحببني
هاجبك أكثر .. بس لما تضمني

واحس في عنيك البراح
راحه لقلبي من الجراح
وانسى وياك اللي راح
وجرح كيائي وهزني
ومش هاجبك قد ما انت تحبني
لو أحس وياك بالأمان
وجوه قلبك بالدفاء
تلقائي نبع من الحنان
وبحر صافي من الوفا

لكننى اذا حسيت هوان

هتلاقى احساسى انطفى

وبقيت طوفان مجنون ومش هايهمنى

وموش هاحبك قد ما انت تحبـنى

انا قبل منك كنت عايشه فى جرح فات

وقفلت بابى على الجراح والذكريات

صحيت فى قلبى الشوق بنظره من عنيك

ورجعت تانى اتمنى كل الأمنيات

وياخدنى ليك احساس رقيق ويشدنى

وموش هاحبك قد ما انت تحبـنى

* * *

شايك

شايك وعارفك وماجيبك
لو حتى حتروح واق الواق
ما بقيت حبيبي وانا حبيبك
والجوليا وليك أموراق

شايك وعارف عنواتك
فى القلب بيتك ومكانك
وعمرى كله علشاتك
تجرحنى ليه وبامكانك
تداوينى وتكون الترياق

عارفك تحب تحيرنى
والليل بطوله تسهرنى
طب نظره واحده تصبرنى
واللائت غاوى تحاورنى
يا جميل قوى ورقه وأخلاق

هاجيبك اتت وهاتجبنى
وتقولى ده الحب كاوينى
ورمش عينك آه يا عينى
سهران معايها مخلينى
محتار ودايب م الأشواق

* * *

خللي بالك

خللي بالك من حياتك
أوعى ثانيه تضيعها
ولا تبكى ع اللي فاتك
كل أيامك عشتها

انسى أحلامنا اللي كانت
كل لحظة حب فاتت
السنين جواننا شابت
وانتسى كنتى بتقتليها
خللي بالك

خللي بالك يا حبيبتي
ياللى جوايا سكنتى
انتى عمرك يوم ما هنتى
كلمه ويا ريت تفهميها

خللى بالك

خللى بالك لسه بينا

فيه حاجات ساكنه فى ضميرنا

مهما يتفارق مصيرنا

بكره نتجمع عليها

خللى بالك

قلبك سما

قلبك سما

صافيه ساعات ...

وساعات بتبقى مغيمه

واتا عشقى ليكى ملحمه ...

يا ملهمه

فى عنيكى نجمه قريبه

قالت بضحكه طيبه

أنا ضى ليك

فى الليل باجيك

علشان أونس وحدتك

من ضحكك

يتفتح الكون وردتك

وف جنتك

تضحك شفايف وردتى

لكنها ..

فى الليل فانتتى لوحدتى

الفجر لاح مع طلعتك

قلبى البراح من طلتك

ساع النهار اللى اتولد

من فوق جبينك يا الغا

يا ام الشفايف وردتين

قلبى رسمته عصفورين

فوق خد وردك طبطبوا

بيفرحونى ويكتبوا

أول سطور الملحمة

وانا باعشق الليل الجميل

اللى فى عيونك احتمى

واعشق عيونك انما

لسایا خایف م السما

ده لآنها .. صافیه ساعات

وساعات بتبقى مغمیه

يا خايفه

يا خايفه والخوف ماليكى
لو ضحكت الدنيا ليكى
حزينه والحزن ساكن
صوتك ونظرة غيكي

خوفك من الدنيا ليه
فيه ايه تخافى عليه
حزنك فى قلبك ماليه
والفرحه مسجونه فيكى

حبى الحياه واعشقيها
لو بسمه اتبسميها
لو دمعه ليه تحزنيها
والخوف يضل عليكى

الدنيا أبسط كتير

م الحزن لو سور كبير

والفرح لو كان عسير

شمس الأمل هاتناديكي

بس أنتي حبي الحياه

طيري في كل اتجاه

وقولي للحزن لا

تلقى الحياه وتلاقكي

مریا مری

ضیعت عمری ہدر
یا خسارہ یا عمری
حکم النصیب والقدر
یا دنیائی مری
حتی اعز الحباب
فی الشدہ فارقونی
وسابونی اشرب لوحدی
من کاسات مری

مریا مری وسیبنی أعیش
عمری یا مر کأنه مفیش
حتی أعز الناس هجرونی
ولا صاتو الملح ولا العیش
مریا مری

مر وسيني أعيش مرتاح
واعرف ايه معنى الأفراح
عمرى بحاله يا زمان راح
وخسرت الجناحات والريش
مر يا مری

مر ده قلبى الطيب داب
من ظلم أعز الأحاب
وان جوني أو دقوا الباب
أنا قلبى هايفرح ويعيش
مر يا مری

* * *

الفهرس

م	اسم القصيدة	رقم الصفحة
١	اهداء	٣
<u>عصافير غنايا بتتدى تنطلق</u>		
٢	بياض	٦
٣	سكوت	٨
٤	كنتى	١١
٥	الغنا للنور	١٣
٦	طعم القمر	١٥
٧	أنا وضلى	١٦
٨	خلاص	١٧
٩	بنتولد دمعات	١٨
١٠	بينى وبينك	٢١
١١	غنا مكتوم	٢٣
١٢	كلام	٢٤

٢٥	عطش	١٣
٢٧	غنيوه مطفيه	١٤
٢٩	ردى الغنا فيا	١٥
٣٠	همسه	١٦
قلبك وقلبي .. والقنا .. تغريد		
٣٢	صباح الخير	١٧
٣٣	تغريد	١٨
٣٥	حلقاتها	١٩
٣٧	قلبك وقلبي	٢٠
٣٩	سكر خالص	٢١
دخول طقس الميلاد نبوءة الانتظار		
٤٢	دخول	٢٢
٤٧	طقس	٢٣
٥١	ميلاد	٢٤
٥٤	نبوءة	٢٥
٥٧	انتظار	٢٦

مسحراتى الوطن ٧٩ : ٥٩

طعم الغنا .. لساه فى دمي حياه

٨٢	ولا ليكى زى	٢٧
٨٤	مش هاجبك	٢٨
٨٦	شايك	٢٩
٨٨	خللى بالك	٣٠
٩٠	قلبك سما	٣١
٩٣	يا خليفه	٣٢
٩٥	مر يا مري	٣٣

- إبراهيم إبراهيم سكرانه
- شاعر عاميه وكاتب مسرحي
- ممثل ومخرج مسرحي
- ممثل معتمد بالإذاعة والتلفزيون
- حصل على العديد من الجوائز الأدبية منها :
 - المركز الأول في شعر العامية في مسابقة للشباب والعمال عام ١٩٩٨
 - جائزة أولى في شعر العامية بمسابقة إقليم القناه وسيناء الثقافي عام ٢٠٠٠
 - المركز الثاني في شعر العامية بمسابقة فرع ثقافة بورسعيد عام ١٩٩٩
 - المركز الأول في مسابقة البلاسي للإبداع الأدبي للشباب عام ٢٠٠١ .
- نشرت له العديد من الأعمال في الجرائد والمجلات الأدبية .
- أنيحت له بعض الأعمال في الإذاعة والتلفزيون .